

खबरां

- भारत ते अमरीका नै अज्ज नमीं दिल्ली च इंडिया ए.आई इम्पैक्ट समिट च पैक्स सिलिका घोषणा पत्र पर दस्तखत कीते।
- इस दस्तखत समारोह गी संबोधत करदे होई इलेक्ट्रानिक्स ते आई.टी मंत्री अश्विनी वैष्णव होरें आखेआ जे भारत दा मकसद सेमीकंडक्टर ते इलेक्ट्रानिक्स उद्योगें च अगुवाई दी भूमिका नभाना ऐ।
- प्रधानमंत्री नरेंद्र मोदी होरें नमीं दिल्ली दे सेवा तीर्थ च ए.आई ते डीपटेक स्टार्टअप्स दे सी.ई.ओज कन्नै गोलमेज वार्ता कीती। उनें भारत दी जरूरतें दे मताबक समाधान तयार करने दा आग्रह कीता।
- गृह मंत्री अमित शाह हुंदे खलाफ कीती गेदी टिप्पणिएं गी लेइयै 2018 च मानहानि दे मामले च सुलतानपुर दी अदालत च पेश होए कांग्रेस सांसद राहुल गांधी, अगली सुनवाई 9 मार्च गी होग।
- ते आई.सी.सी टी-20 विश्व च ग्रुप बी च अज्ज श्रीलंका च आस्ट्रेलिया दा उमान कन्नै मकाबला, मैच जारी ऐ।



Pax Silica Declaration

भारत ते अमरीका नै अज्ज नमीं दिल्ली च इंडिया एआई इम्पैक्ट समिट च पैक्स सिलिका घोषणापत्र पर हस्ताक्षर कीते ना। इस समझौते पर दोनें देशें दे वरिष्ठ नेताएं दी मौजूदगी च हस्ताक्षर कीते गए। एह घोषणा पत्र महत्वपूर्ण खनिजें ते सेमीकंडक्टर दे उत्पादन ते तेजी कन्नै विकसित होआ'रदे आर्टिफिशियल इंटेलिजेंस दे क्षेत्र च सहयोग गी मजबूत करग। एहदे सुरक्षित ते मजबूत वैश्विक सिलिकॉन ते प्रौद्योगिकी पारिस्थितिकी तंत्र दा निर्माण होई सकग। इस मौके पर केंद्री इलेक्ट्रॉनिक्स ते सूचना प्रौद्योगिकी मंत्री अश्विनी वैष्णव होरें आखेआ जे भारत दा लक्ष्य सेमीकंडक्टर ते इलेक्ट्रॉनिक्स उद्योगें च अग्रणी भूमिका निभाना ऐ। श्री वैष्णव होरें आखेआ जे भारत दे प्रतिभाशाली इंजीनियर सभनें जटिल ते उन्नत दो नैनोमीटर चिप्स डिजाइन करा'रदे ना। उनें आखेआ जे सेमीकंडक्टर उद्योग गी 10 लख थमां बद्द प्रतिभाशाली लोकें दी लोढ ऐ ते एह जरूरत देश दे भीतर गै पूरी होई जाह्ग। उनें आखेआ जे 315 विश्वविद्यालयें ते कॉलेजें दे छात्र चिप डिजाइन करा'रदे ना। इस मौके पर भारत च अमरीका दे राजदूत सर्जियो गोर होरें आखेआ जे बपार समझौते कन्नै लेइयै पैक्स सिलिका ते रक्षा सहयोग तकर, दौनें देशें बश्कार सहयोग दे मौके बदे ना। श्री गोर होरें आखेआ जे 'पैक्स सिलिका'दा मकसद बाध्यकारी निर्भरताएं गी विश्वसनीय औद्योगिक साझेदारियें च बदलना है। एह समझौता मुक्त बाजारें गी सशक्त बनांदा ऐ।

<><><><><><>

US Eco Secy.

भारत ते अमरीका बश्कार पैक्स सिलिका घोशणा पत्र उप्पर दस्तखत करने दे समारोह च आर्थिक मामलें सरबन्धी अमरीकी विदेश सचिव जैकब हेलबर्ग होरें आखेआ ऐ जे एह समझौता नवाचार ते सांझेदारी दे राएं भविष्य गी बनाने लेई सांझी प्रतिबद्धता दाप्रतिनिधित्व करदा ऐ। उभरदी तकनीकें च भारत अमरीका दे बधदे सहयोग गी उजागर करदे होई हेलबर्ग होरें आखेआ जे दौनें मुख्य आर्टिफिशल इंटेलिजेंस लेई नवाचार समर्थक रवैये दी पुष्टि करा'रदे ना।

<><><><><><>

Google CEO

गूगल ते अल्फाबेट दे सीईओ सुंदर पचेई होरें आखेआ जे गूगल गी भारत ते अमरीका बश्कार आलंकारिक ते शाब्दिक तौरा उप्पर इक कनेक्शन बिंदू दे तौरा पर कम् करने लेई गौऽ ऐ। उनें एह गल्ल नमीं दिल्ली च ए.आई इम्पैक्ट समिट शिखर सम्मेलन च भारत ते अमरीका बश्कार पैक्स सिलिका घोशणा पत्र पर दस्तखत समारोह गी संबोधित करदे होई आखेआ। भारत दी तकनीकी यात्रा उप्पर भरोसा जतांदे होई उनें आखेआ जे देश ए.आई च इक असाधारण प्रक्षेपवक्र दा साक्षी बनने आहला ऐ।

<><><><><><>

MP-CM

मध्य प्रदेश दे मुखमन्त्री मोहन यादव होरें आखेआ जे सरकार राज्य च ए.आई स्टार्टअप्स लेई मौके उपलब्ध करोआने लेई कम्म करा'रदी ऐ। अज्ज नमीं दिल्ली च जारी इंडिया ए.आई इम्पैक्ट समिट 2026 च बोलदे होई यादव होरें आखेआ जे सरकार ए.आई दी बड्डी समर्थ दा पता लाने लेई उत्सुक ऐ, खासतौरा पर सेहत, शिक्षा, कृषि, उद्योग, सैलसफा ते उर्जा संरक्षण दे खेत्तर च।

<><><><><><>

PM CEO's AI

प्रधानमन्त्री नरेंद्र मोदी होरें अज्ज नमीं दिल्ली दे सेवा तीर्थ च ए.आई ते डीपटेक स्टार्टअप्स दे सी.ई.ओज कन्नै गोलमेज वार्ता दी अध्यक्षता कीती। इस दरान प्रधानमन्त्री होरें राईबाई, पर्यावरण संरक्षण ते मातृभाशा च उच्च शिक्षा गी बढावा देने ते होरनें क्षेत्रें च ए.आई तकनीक दा सदुपयोग करने दे समर्थ उप्पर चर्चा कीती। मोदी होरें मजबूत डाटा गवर्नेंस दी लोड पर जोर भरेआ। उनें गलत जानकारी थमां बचा ते भारत दी जरूरतें दे मताबक समाधान तैयार करने दा आग्रह कीता। यू.पी.आई गी सरल ते डिजिटल नवाचार दा माडल दस्सदे होई उनें भारतीय कंपनियें उप्पर भरोसा जताया जे घरेलू उत्पादें उप्पर भरोसे गी प्रोत्साहित कीता। गोलमेज वार्ता दरान 16 ए.आई ते डीपटेक स्टार्टअप्स दे सीईओज ते संस्थापकें अपने विचार ते अपने कम्में गी पेश कीता। इस बैठक च ते Abridge Adalat AI, Brain Sight AI, Credo AI Eka care Glean Innogle, Invideo ते Miko सने होरनें स्टार्टअप्स दे सी.ई.ओज ते संस्थापकें हिस्सा लैता।

<><><><><><>

Shivraj Brazelian

केंद्री राई-बाई ते करसान कल्याण मंत्री शिवराज सिंह चौहान होरें अज्ज नमीं दिल्ली च ब्राजील दे कृषि मंत्री कालोस फवारो हुंदे कन्नै मलाटी लाई। मीडिया कन्नै गल्लबात करदे होई चौहान होरें आखेआ जे आई.सी.ए.आई ते ओहदा ब्राजील दे समकक्ष कई खेत्तरें च सहयोग करडन। कृषि मंत्री होरें आखेआ जे ब्राजील नै कुदरती ते जैविक खेती च बड़ी मती दिलचसपी दस्सी ऐ ते भारत इनें मोर्चे पर ब्राजील कन्नै गल्लबात करा'रदा ऐ। उनें इब्बी दस्सेआ जे भारत दालें, तेल सरबंधी मिशन ते एकीकृत खेती दे क्षेत्र च तेजिया कन्नै तरक्की करा'रदा ऐ।

<><><><><><>

PM-Liechtenstin Prince

प्रधानमंत्री नरेंद्र मोदी होरें अज्ज नमीं दिल्ली च इंडिया ए.आई इम्पैक्ट समिट 2026 दे बाहरां लीचेनस्टीन दे Hereditary prince prince Alois हुंदे कन्नै दपक्खी गल्लबात कीती। विदेश मंत्रालय नै आखेआ ऐ जे इस बैठक च दौनें नेताएं बक्ख-बक्ख खेत्तरें च दपक्खी सहयोग बारै गल्लबात कीती। प्रधानमंत्री होरें इस शिखर सम्मेलन दे बाहरें स्लोवाकिया गणराज्य दे राश्ट्रपति पीटर पेलेग्रीनी हुंदे कन्नै बी दपक्खी बैठक कीती।

<><><><><><>

UN Secy Gen.

संयुक्त राश्ट्र दे महासचिव एंटोनियो गुतेरेस होरें आखेआ ऐ जे विज्ञान दी अगुवाई च शासन तरक्की च रोडा नेई सगुआं तेजी आहना'रदा ऐ। नमीं दिल्ली च इंडिया ए.आई इम्पैक्ट समिट 2026 च बोलदे होई संयुक्त राश्ट्र दे महासचिव होरें आखेआ जे विज्ञान दी अगुवाई आहले शासन उनें इलाकें दी पंछान करने च मदद करदा ऐ जित्थे ए.आई तेजी कन्नै सारें शा मता भला करी सकदा ऐ। उनें आखेआ जे एहू चीजें च मदद करदा ऐ जेदे कन्नै मुलखें गी सुरक्षा ते निवेश करने च मदद थहोंदी ऐ।

<><><><><><>

Rahul Court Appearance

कांग्रेस दे नेता राहुल गांधी होरें अज्ज उत्तर प्रदेश दे सुलतानपुर जिले च सांसद विधायक-अदालत च पेश होए ते 2018 च केंद्री गृहमंत्री अमित शाह हुंदे खलाफ कीती गेदी अपनी टिप्पणी दे सरबंधे च मानहानि दे मामले च अपना ब्यान दर्ज कराया। रायबरेली थमां लोकसभा सदस्य गी सुनवाई दी अगली तरीक 9 मार्च गी अपने बचा च सबूत पेश करने लेई आखेआ गेआ ऐ। अदालत च पेश होंदे होई कांग्रेस नेता होरें दावा कीता जे ओहू इस मामले च बदोशी न। एहू मामला 2018 दे इक मकामी नेता होरें गांधी हुंदे खलाफ मानहानि दी शकैत दर्ज कराई ही ते आरोप लाया हा जे 2018 दे कर्नाटक चुनाएं दरान लोकसभा च विपक्ष दे नेता होरें उस बेल्ले दे बीजेपी अध्यक्ष अमित शाह हुंदे बारै च अपमानजनक टिप्पणी कीती ही। पिछले किश बरें थमां इस मामले पर मुकदमा चला'रदा ऐ।

<><><><><><>

Greetings

राश्ट्रपति द्रोपदी मुर्मू, उपराश्ट्रपति सी.पी राधाकृष्णन, प्रधानमंत्री नरेंद्र मोदी ते गृह मंत्री अमित शाह होंरें अज्ज अरूणाचल प्रदेश दे लोकें गी उंदे राज्य दे स्थापनपा ध्याडे दे मौके पर शुभकामनां दित्तियां ना।

<><><><><><>

LG-Statehood

लोकभवन जम्मू च अज्ज अरूणाचल प्रदेश ते मिजोरम दा स्थापना दिवस मनाया गेआ। आकाशवाणी दे जम्मू संवाददाता नै जानकारी दित्ती ऐ जे उपराज्यपाल मनोज सिन्हा होंरें इस मौके पर अरूणाचल प्रदेश ते मिजोरम दे लोकें गी मुबारकबाद दित्ती। उनें लोकें दी सेहत ते खुशहाली दे कन्नोकन्नी दौनें राज्यें दे तेजिया कन्नै समाजी आर्थिक विकास आस्तै प्रार्थना बी कीती। इस मौके पर बोलदे होई उपराज्यपाल होंरें 'एक भारत श्रेष्ठ भारत' दी भावना गी बरकरार रखने दे महत्व पर बी जोर पाया। उनें आखेआ जे भारत दा सांस्कृतिक ते आध्यात्मिक विरसा, इसी दुनिया थमां बक्खरा बनांदा ऐ। एल.जी होंरें आखेआ जे अरूणाचल प्रदेश ते मिजोरम, मुल्लै दे सांस्कृतिक विरसे ते एकता दे प्रतीक ना।

<><><><><><>

SIR-Kerala

केरल च मतदाता सूची च विशेष गहन संशोधन कल पूरा होई जाह्ग। मुख् चुनांऽ अधिकारी Rathan U Khelkar होंरें आखेआ जे खीरी मतदाता सूची कल प्रकाशित होई जाह्गं संशोधन अवधि दरान उनें लोकें थमां हासल आवेदनें पर उंदे 18 बरें दे होने दे बाद बचार कीता जाह्ग।

<><><><><><>

NIA Human

राष्ट्री जांच एजेंसी एन.आई.ए नै म्यांमार थमां भारती ते बदेशी एजेंटें आसेया चलाए जा'रदे मनुक्खी तस्करी ते साइबर धोखाधडी रैकेट दे सरबंधें च 3 आरोपियें खलाफ आरोप-पत्र दाखल कीता ऐ। एजेंसी मूजब- आरोपियें च इक फरार संदिग्ध चीनी नागरिक बी शामिल ऐ। जांच दे दरान एह सामने आया जे एह त्रौने आरोपी अपने सहयोगियें कन्नै मिलियै- कमज़ोर भारती नौजवानें दी म्यांमार च तस्करी कर'रदे हे। एन.आई.ए नै तस्करें दे दलालें दे इक संगठित नैटवर्क दा पर्दाफाश कीता ऐ- जेहडा गैर-कनूनी गतिविधियें गी अंजाम देया करदा हा।

<><><><><><>

Railway Add Coaches

उत्तरी रेलवे दे जम्मू डिविजन नै 2 प्रमुख रेल गड्डियें च बाददू डब्बे दी घोषणा कीती ऐ, तां जे त्योहारें आहली रुतै दौरान यात्रियें दे बद्दे रश कन्नै निबड्डेया जाई सकै। जम्मू तवि राजधानी एक्सप्रेस च बाददू Third A.C. Coach लाया जाग। जिसलै के लम्मी दूरी आहली जम्मू तवि, कोलकाता एक्सप्रेस च जनरल क्लास कोच लाई जाग। एह सुविधा किश गै दिनें लेई होग। रेलवे प्रशासन नै

यात्रियें गी अपील कीती ऐ जे ओह इनें बादू सुविधाएं दा फायदा ठोआन ते यात्रा गी रमानदारी आहला बनान। एहदे लेई रेलवे आसेया लोडचदे सारे बंदोबस्त कीते गेदे न।

<><><><><><>

Govt. Tourist

केंद्र शासित प्रदेश जम्मू-कश्मीर च 2019 मगरा सैलानिएं दी आमद च बाद्दा होआ ऐ। 2023 थमां 2025 तगर 7 करोड़ 85 लक्ख सैलानी जम्मू-कश्मीर आए न जिसलै कि एहदे थमां पैहले 2016 थमां 2018 बश्कार 4 करोड़ 76 लक्ख सैलानी इत्थे आए हे। आकाशवाणी जम्मू संवाददाता दी रिपोर्ट मूजब मुखमंत्री उमर अब्दुल्ला, जिंदे कश सैलसफा मैहकमे दा प्रभार बी ऐ, होरें विधानसभा च पिछले त्रशुं बरें च सैलानी थाहें पर लोकें दी आमद बारै दस्सेआ। उनें 2019 थमां पैहले ते 2019 थमां बाद दे आंकडे बी सदन च रक्खे। इनें आंकडे मूजब 2023 थमां 2025 तगर 7 करोड़ 85 लक्ख सैलानिएं जम्मू-कश्मीर आए न।

<><><><><><>

Iran Russia Nawal Drill

ईरान ते स दी नौसेना नै ओमान दी खाड़ी ते उत्तरी हिंद महासागर च इक सांझा अभ्यास कीता। खबरें मताबक इस अभ्यास च ईरान दे Alvand destroyer, Missile Launching warships, helicopters, landcraft, special operation teams ते speed boats सने होर बी शामिल हे।

<><><><><><>

T-20 WC

आई.सी.स टी-20 विश्व कप अज्ज आस्ट्रेलिया दे पल्लेकेले अंतरराष्ट्री क्रिकेट स्टेडियम च मकाबला होगा। मैच संझा 7 बजे शुरू होगा। भारत पैहला सुपर 8 स्टेज मैच ऐतवारें दक्खन अफ्रीका कन्नै अहमदाबाद दे नरेंद्र मोदी स्टेडियम च होगा। टी-20 विश्व कप दे सेमीफाइनल मकाबले 4 ते 5 मार्च गी होडन ते इस विश्वकप दा फाइनल मैच 8 मार्च गी खेड्वा जाह्ग।

<><><><><><>